

# Kejayaan kumpulan KAL Team di QE/5S diraikan

NST 13-7-13 10

LABUAN: Kejayaan Kumpulan KAL Team meraih Anugerah Emas di Konvensyen Persekitaran Berkualiti (QE/5S) Wilayah Sabah dan Sarawak 2013 mendapat penghargaan daripada pengurusan universiti.

Pengarah UMSKAL, Prof MadyaDr Ismail Ali meraikan peserta Kumpulan KAL Team pada majlis makan malam di Grand Dorsett Hotel, malam kelmarin.

Turut hadir Timbalan Pengarah, Dr Geoffrey Harvey Tanakinjal, Dekan Sekolah Sains Informatik Labuan (SSIL), Dr Ag Asri Ag Ibrahim, Timbalan Pendaftar, Zamri Mohamad Tuah dan Timbalan Pengerusi Jawatan kuasa Amalan 5S, Baharin Entoh yang juga Pustakawan Kanan UMSKAL.

Hadir sama ketua-ketua bahagian dan pegawai-pegawai UMSKAL.

Kumpulan KAL Team yang mewakili Universiti Malaysia Sabah, Kampus Antarabangsa Labuan (UMSKAL) memenangi Anugerah Emasitudi The Pacific Sutera, Kota Kinabalu pada 4 Julai lalu.

Kumpulan itu yang diwakili ketua pasukan, El-



**ANUGERAH EMAS ...** Dr Ismail (kiri) menerima Anugerah Emas daripada Baharin sambil diperhatikan peserta Kumpulan UMSKAL yang menyertai Konvensyen Persekitaran Berkualiti Wilayah Sabah dan Sarawak 2013.

dayana Suhaili, Zek Jas, Arniwati Abas, Mohd QuazlyArifin, Abd Sofian Abd Ghani dan Dorathy Chew menerima trofi dan sijil penghargaan.

Konvensyen Persekitaran Berkualiti anjuran Perbadanan Produktiviti Malaysia (MPC) Wilayah Sabah akan memilih wakil Wilayah Sabah dan Sarawak keperingkat kebangsaan di Gampang, Pahang pada 1 - 3 Oktober depan.

Dr Ismail berkata kejayaan tersebut amat membanggakan warga UMSKAL kerana ia mampu meningkatkan motivasi kepada pegawai, penyarah dan kakitangan untuk terus mengamalkan amalan 5S di kampus tersebut.

Beliau berharap kejayaan itu akan berterusan bukan sahaja dalam Amalan 5S tetapi juga dalam bidang-bidang lain yang disertai UMSKAL di

Wilayah Persekutuan Labuan, Sabah mahupun kebangsaan.

"Cabaran lebih besar menanti Kumpulan UMSKAL jika terpilih ke peringkat kebangsaan kelak. Saya yakin usaha gigih semua ahli akan membuah hasil seperti mana yang diharapkan," katanya. **-OLEH JAIN-UDIN DJIMIN (jainudin@newsabah-times.com.my)**